

۴ ربیع الآخر ۱۳۳۱

پنجشنبه

۲۸ شباط ۱۳۲۸

نومرو ۱۸ — ۲۴

نسخه سی ۲۰ پاره در



امور اداره و تحریر و اعلانات و سائرہ ایچون مدبر
مسئولہ مراجعت ایدالمبدر .

ابونہ سی بر سنہ ک اعتباریلہ ممالک عثمانیہ ایچون
اون بش و ممالک اجنبیہ ایچون ۲۰ فروردر .

صرفای امتک مقالات متصوفانہ لرینہ جریدہ
صوفیہ نک صحیفہ لری آچبتدر .

محل اداره باب عالی جوارنده ابوالسعود جاده سنده
بجیم استقبال مطبعہ سی

شمذیلک اون بش کونده بر نشر اولنور

تصوفی ، دینی ، اخلاقی ، سیاسی جریدہ اسلامیہ در

مدنيه به قدر رفی و محول ایدر ایسه اینسون آلك احكام جلیله
سی هر زمان ایچون جاری والی بوم القیامه باقی در . . .
نافعه ناظری اسبق

خلوصی

مناقب اولیا

دن

مدتایخ نقبیه

برنجی قسم

مابعد

فقط انفاص قدسیه لرندن استفاضه ایشدر (۱۱۷) ده ارتحال
ایدن امام نافع حضرتلریله فناده حضرتلرینه یتمشدر (۱۲۰) ده
وفات ایدن محمد بن واسع و مالک بن انس حضرتلریله (۱۳۶)
ده ارتحال ایدن مالک بن دینار و (۱۲۴) ده وفات ایدن زهری
کی ذواتک معاصرین اولوب انلرله ملاقات ایتکندیده یتمشدر .
(۱۵۰) ده ارتحال دارچنان بیوران امام اعظم ابوحنیفه حضرتلریله
ابن حریج و (۱۴۸) ده وفات ایدن ابن ابی لیلی (۱۴۶) ده
وفات ایدن کلثوم مفسر و علقله و جزیری (۱۴۴) ده وفات ایدن
سفیان ثوری و (۱۶۰) وفات ایدن داود طائی و فضیل بن
عیاض (۱۸۱) وفات ایدن عبدالله بن مبارک و امثالی ذواتک
معاصرین اولوب (الناس معادن کمدان الذهب و الفضه) مضمونجه
معادن فیض و معرفت و تقوی اولان ذوات مشارالیه مادن اقتباس
انوار فیوضات ایشدر . . .

(۱۷۴) ده ارتحال دارقبا بیوران شفیق بلخی حضرتلریله
دخی مضاحبت ایلدکازی و سریدانی واسطه سیله مکرر اخبارلری
واقع اولدیفی شیخ عطار حضرتلرینک (تذکرة الاولیا) سند
مضرحدن . . .

شیخ امام مالک ابی الفضل محمد بن علی السملالی البسطامی
حضرتلری (کتاب النور) نام اثرلرنده شیخ المشایخ عبدالله
ذاستانلی حضرتلرندن نقلاً بیورورلرکه : سرور عارفین بایزید
بسطامی اوچینور اون اوج استاده خدمت ایشدر . . .
امام جعفر صادق رضی الله عنه حضرتلریدر جعفر ایکی در دینلرک
قولی و همدرد . . .

بزارالق کل کلزار خاندان نبوت امام جعفر صادق حضرتلری
کورمک آتش اشتیاقی کندیسنی ملاقاته جزب و تحریک ایتدیکلدن
بمقتل افضای عشاق اولان امام مشارالیه حضرتلرینک دارفیض
. . .

قرارلرینه واروب بر مدت خدمت علیه لرنده بولمیشدر . . .
اکابر علمای اسلامیه دن مولانا فخرالدین رازی حضرتلری کتب
کلامیه دن اولان مؤلفاتینک اکثریسنده و شیخ عطارنده تذکرة الاولیا
نام اثرنده بیورورلرکه : افضل مشایخ و سرور اولیا بایزید بسطامی
حضرتلری امام جعفر صادق حضرتلرینک دار سعادت قرارلرنده
خدمت سقایی ایفا ایدردی . برکون امام جعفر صادق حضرتلری
جناب بایزید صوفیه کی طاقک اوزرنده کی کتابی کتیرملری
امیر بیورملری اوزرینه حضرت بایزید قننی طاقدم دیه سوال
ایدنجه امام مشارالیه حضرتلری بیورورلرکه بونجه مدندر بزم
محبتمزده بولنه یورسک طاق کورمکچی حضرت شیخ دن طاق
ورولاق کورمک ایچون کلام نظارم قبله مقصود اولان دل قدسیت
مؤلکزه دره دیه عرض حالده بولنور . . . بونک اوزرینه امام
جعفر حضرتلری بایزیده خطابه (بن سنده مجاهده و مباحده
کوریه ورم ای بایزید بسطامه کتیده نشر فیوضات ایت) دیو
رخست بیورمشدر . مناقب بایزید بسطامی دن . . . بونک اوزرینه
جناب بایزید کلدوسنه بر خلعت و بر رفیق احسان بیورملری
استرحام ایتسیله جناب امام کندی جیسی احسان و فرزند
ارجندی امام (محمد) ی رفیق ایدره بسطامیه اهتام بیورمشدر .
جناب بایزید ده حیاتده ایکی امام زاده ارتحال دارنیم ایتسیله
ایوم زیارتگاه امام اولان محله دفین خاک عطرناک قلمشدر .

سلطان المارین حضرتلرینک ماخر عیرلرینه قدر خدمت
وصحت علیه لرنده بولنورق اقتباس انوار فیوضات ایدن و مناقب
و کرامتلی واقوال قدسیه لرلی نقل ایدن ذواتک اک مشهورلری
برادر زاده لری ابو موسی خادم ایله ابوالحسن المروزی
حضرا ایدر . . .

استطراد

بایزید بسطامی حضرتلری امام جعفر صادق حضرتلرینک
طوغریدن طوغری به مجسمایت قدسیه لرندن استفاضه انوار سعادت
ایلدیکی محقق ایکن بعض متأخرینک بالکزدو حایت علیه لرندن
اقتباس فیوضات ایش اولدیفی اراد ایله انقطاع سلسله نقشبندیه
ذاهب اولملری جای ایشریایدره سلسله شریفه نیک صدیق اعظم
رضی الله عنه حضرتلرینه واصل اولدیفی اسانید مجیدجه دلالتیه متین
اولغله انلرک توهم ایتدیکی انقطاع سلسله نقشبندیه قولی تماماً
مخالف حقیقتدر . بایزید بسطامی حضرتلرینک امام جعفر صادق
حضرتلریله ملاقات ایدوب خدمت مستوجب المقفخرتارنده بولندیفی
(امر التوحید فی مقامات الشیخ ابی سمیع) نام کتاب لطیفده
وفخرالرازی مؤلفاتینک اکثریسنده و شیخ عطارنده تذکرة الاولیا
سندده و شیخ رضی کتاب الطرائفنده علامه جلی تجرید اوزرینه
اولان شرحنده ذکر و بیان ایلدکازی کی حاجب مواقف ایله

. . .

قبول اولمشدر. نصل اولمازکه بوبابه شاهد عادلز جناب ه اویسی
القرنی « حضرتلری در .

برده بر جوق سادات کرامک اویسیت طریقه مشایخ عظام
سالفیندن استفاضه ایتمش اولدقاری کتب مناقب و سائرده مصرح
اولوب حسن قبول ایله قبول ایدلکده در . [انتهای استطراد]

مابعدی وار خواجه زاده: احمد حلمی

قلیح کولکجه سی

اسلام تاریخی باشند باشه برتدقیق ایدلسین . نظر امان ایله
باقیلسین نه کوریاور ؟ قلیجگار ، آنک مقتضیاتی شجاعتر ، آهین
ییلکار ! یوجله کار ! دگلی ؟

اسلام حیاتی خائن بر ال ایله رد . قاهر رکن ایله انکار ایتک
ایستیاناره قارشو بوسلاح ، بوشانی مدافع ایله موجودیتی
بیله رمشدر .

یوزلار برعزم ایله چالشمش اولان اسلام کندیسنه شمدی ده
تجاوز ایدن اوقاره الی حقت اذنی ، حقیقتک یاردیمیه قیره جقدر
اسلام دشمنارینه دایما معصوم بر قاب ، ملت بر سیا ، فدا کار
بر امل ایله کورونمش ، فقط ظالم بر یورهک ، غدار بر مقصد
ایله قارشیلانمشدر . مهبای انطفا کبی کورونورکن جوق کره
بوقایچ سایه سنده موقعی تأمین ایتمش ، حیاتی قورنارمشدر .

نه وقت غربت متحکم نجهلری شرقک ، عالم اسلامک سینۀ
عصمتی پارچه لامق . طیرمالامق ایسته دیسه قارشوسنه دایما بر
صلاح الدین چقیمش ، آنک ضربه یأس آلودینی قیره رق متعاقباً
اسلامده ، روح اسلامده بر یکیلک ، بر عشق انقیاد اویانمغه سبب
مستقل اولمشدر .

فقط شوراسی شایان دقت و جز مدرکه ماضینک موفقیتی ثلوه
بر توکلدن فضلہ دیری بر عزم جدیه استناد ایده گلش حمیت ،
شوق دینی فعلاً منجلی اولمشدر . خارجده حکمران اوله جق
محتشم بر قوت متادیا داخلده عین حس و حرمتی جلب ایلر ،
عدل و حقانیت هر حالده بر رکن اساسی توازن عد ایدیلیدی .

(جهاد) بو مبارک کلهک مدلولندن جوق فضلہ موفقیت و
احتراملره نائل اولسی استحقاق نفع و حیات ایله ایدی . شمدی
مدلول مطامعی تنقصه اوغرامشدر . قلیج ایشیقیه سلطنت ، حکو-
مت سورده عثمانیلر بر کولکجه مطاف تاقی ایتمشلر و سایه بان
عز و حشمت اولمشلر در . روح پیرا املار ساحه جدیدته تعقیب
اولندیمی سایه سیف و اقتدارده عدالت نشین سمادت اولملری
شبهه سر برحق محرز لیدی . اما یالکز جدیدتن اوزاق امیدلر ،
حتی فعللر بیله حقه ، حقیقته طوغری قوشمق دکل ، برویابانده

تذکره الاکار و سلسله اولیا مؤلفارینک تدقیقات و تحقیقاتلریده
و مرکزده اولدینی و شیخ یوسف بن محمد نام ذاتک (مناقب
بایزید بسطامی ، نامیه تألیف ایتدیکی اثر - که بوبخشه عائد بعض
فقره لری بو اثر نقل و ترجمه اولمشدر - دخی بونلری مؤید
بولدینی حالده معارضینک روایات معکوسه سینه اعتبار اولنماق
طبیعیدر .

شو ایکی روایت بیننده کی مبابیتی رفع و تألیف ایچون بمنلر
ایکی بایزیدک وجودینه قائل اولوب بری طیفورالسقادرکه اصل
امام جعفر صادق ملاقات و خدمت ایدن بو ذات اجلدر . ایکنجیسی
اولیادن بشقه بر بایزید در دیمشار حالوکه اوزهر الاندلسی کبی
برمدقی و محقق تاریخنده جناب بایزید امام جعفر صادق حضرتلریله
ملاقات ایدوب خیلی مدت خدمت ایتدیکنی و جانب جعفر صادق
شیخه طیفورالسقاء تسخیه ایدلدیکنی کمال وضوحله بایزیور اسمده
اشترک کثیر الوقوع ایهده شیخک امام جعفر صادق حضرتلریله
ملاقات ایتدیکنه و مقدمینک شهادتیه قناعت ایتوب سلسله
نقشبندیه نک صدیق اکر رضی الله عنه حضرتلرینه واصل اولدینی
ادعا و بالخاصه بونک ایچون بر کتاب تألیفی صورتیله تأیید مدعا
ایتمک ایستینارک هیچده حسن نیته مقرون اولمیان بو دعواسی
منموغ اوله ماز . بودعواده عجبا نه منفعت تصور اولور اهل اللهک
روحانیلریله اویانمغه خطر عظیم واردر .

مع مافیہ بالفرض والتقدير ادعا ایدلینی اوزره بایزید بسطامی
امام جعفر صادق حضرتلرینه ملاقی اولمامش اولسه بیله ینه
صدیق اکر رضی الله عنه حضرتلرینه موصل بشقه سلسله لره واردر .
ابواسماعیل عبدالله الانصاری حضرتلرینک (طبقات المشایخ) نده
مولانا عبدالرحمن جامی حضرتلرینک (نفحات الانس) نده محرر
اولدینی اوزره جناب بایزید شیخ کردی حضرتلرندن دخی اخذ
طریق و کسب فیض ایتشاردرکه مشارالیه شیخ کردینک امام علی
رضا حضرتلرندن انلرک والد ماجدلری امام موسی کاظم حضرتلرندن
انلرک امام جعفر صادق حضرتلرندن انلرک قاسم بن محمد
حضرتلرندن انلرک سلمان فارسی حضرتلرندن انلرک صدیق اکر
رضی الله عنه حضرتلرندن کسب فیض ایتدکاری تبیان و سائل
الحقابی فی بیان سلسله الطرائق) ده مذکور بولمشدر . ینه
تبیان و سائلده محرر اولدینی اوزره جناب بایزید شیخ راعی
حضرتلرندن انلره شیخ المشایخ شهاب الدین حضرتلرندن انلره
شیخ محمد قرا حضرتلرندن انلره سید ابوالفضل و انلره سلمان
فارسی حضرتلرندن انلره صدیق اکر حضرتلرندن اخذ طریق
و کسب فیض و معرفت یورمشلر در .

شوده آریجه شایان تذکاردرکه اویسیت طریقه اکتساب
اولان نسبت علیه دخی بالعموم مشایخ محققین نزد عالیلزده مظهر